

Zugvögel

Vor e paar Daach hott misch de Hubert oogerufe, moim ahle Kummbeer, der schunn long doo owwe im Norde dehoom iss unn der desdeweeseche nimmi su babbeld wie ers in Flerschem gelernt hott.

Hannes, hodder ins Telefon gerufe, Hannes, es geht los.

Ei was donn?, habb isch gefroochd, was gieht los?

Es geht los mit den Kranichen, hodder noch emol gerufe, wie ich dich kenne wartest du doch schon darauf, sie wieder am Himmel zu sehen.

Ei nodierlich, habb isch ze Antwort gewwe, awwer dess iss noch e bissi frieh, die kumme erst im Okdower. Unn woher dusde merke, dasses bald losgieht mett dene Kraniche?

Doo seeder: Sie sammeln sich bereits im Diepholzer Moor, habe ich in der Zeitung gelesen.

Ja, saach isch, dess waaß isch. Awwer dort sinns nor die, die im Moor e Nest hadde unn ihr Junge groß gezooche hawwe, die aus de Nordländer lasse noch e Zeit uff sich wadde. Awwer in Schweden omm Hornbogasee dun se sisch schunn versommel, die werrn dort aach gefidderd unn mache sisch bald uff de Weesch nooch emm Norden vunn Deutschland. Ess werrd nitt long dauern unn die werrn onn de Ostsee in dene Bodden vunn Darß-Fischland ze sehe soi und korrz denooch aach in Linum, nordwestlich vunn Berlin, sechzich Kilometer sinns vunn dort.

Seet de Hubert: Dort ist aber manchmal kein Platz mehr für sie und dann fliegen sie in die Diepholzer Moorniederung.

Isch habb ins Telefon geniggd: Ja, die Schloofplätz sinn mittlerweile rar in Linum.

Hannes?, frächt de Hubert, fahrt ihr wieder mal hin, ins Moor oder naxgh Linuum?

Naa, saach isch, naam, su weit fahrn merr nimmi, Aach waaßde, Hubert, isch habb su vill Fotos diort genmaccht, doo gugg isch mmer die oo unn wadd drzuff, bisse widdrr iwwer Flerschenm fliesche dn.

Eiern Honnes